

鴿黨「眾籌」極速達標 建制懷疑黑金「漂白」

香港文匯報訊(記者 鄭治祖) 民主黨近日首階段「眾籌」200萬元，聲稱將用以「調查」前特首梁振英的UGL事件，僅一星期已經達標。有立法會建制派議員質疑，反對派在短期內籌得巨款，令人懷疑有人借「眾籌」來掩飾「政治黑金」的事實，而反對派過往籌得的捐款最後往往「不知所終」，民主黨有必要公開所有款項的來源及去向。有法律界中人則認為，民主黨的做法有可能涉及「助訟」，一經定罪可被判罰款及最高監禁7年。

民主黨立法會議員林卓廷、尹兆堅、龔俊宇及黨員吳思諾昨日舉行記者會，聲稱在短短一週內已經有5,800人捐款，並達到籌得200萬元的目標。

吳思諾稱，他們首階段將有6項工作，包括聘請律師提供有關貪污事宜的法律意見；聘請英國律師向法院申請查閱相關文件；聘請澳洲律師就梁振英可能觸犯的澳洲罪行提供法律意見；聯絡英國和澳洲的國會議員和政府官員；聯絡執法機構，包括香港的廉政公署、英國的National Crime Agency和澳洲的執法機構；將事件在公眾領域的文件存檔公開，讓公眾查閱。

林卓廷聲言，他們會盡力邀請「知名人士」監管款項的運用情況。尹兆堅則稱，由於涉及海外複雜的法律等專業工作，「開支不菲」，故他們「歡迎」市民繼續參與及支持，又稱身為他們法律顧問的何俊仁會繼續提供服務，以及即時展開海外法律專業聯絡工作。

黃國健：政治表態

工聯會立法會議員黃國健昨日在接受香港文匯報訪問時懷疑，有人是以「眾籌」為名掩飾其收取「政治黑金」的事



黃國健 資料圖片



梁美芬 資料圖片



鍾國斌 資料圖片



陳振英 資料圖片

實，並直指廉政公署及立法會的專責事務委員會都沒有發現UGL事件有什麼違法之處，林卓廷打鑼打鼓要「籌錢」來調查，令人感到這只是一種政治表態。

梁美芬籲公眾監察

經民聯立法會議員梁美芬也指，獲法律賦予執法權的廉政公署也不認為UGL事件有什麼問題，令人質疑來自民間者如何查出個問題來，相信這只是民主黨的政治宣傳。由於「眾籌」所得指明是要調查UGL事件，公眾必須監察。

鍾國斌促公開賬目

自由黨黨魁鍾國斌指出，民主黨稱是

從市民身上眾籌得到200萬元，該黨就應該將款項的來源及運用情況等公開，在具透明度的情況下操作，包括聘請中立的會計師審視賬目，並向公眾公開所有賬目。

陳振英：偏見所為

立法會金融界議員陳振英認為，涉及「眾籌」所得款項，對民主黨的最基本要求就是要他們公開所有賬目，以及運作的情况。他又質疑立法會已就UGL事件成立調查委員會，身為成員的林卓廷及尹兆堅另起爐灶，令人質疑他們這樣做，是因為對個別人士有偏見，而非追求「真相」。

法律界質疑「助訟」

有法律界人士則指，民主黨「眾籌」目的之一是「支付因追究UGL案引申的法律開支」，是在公開鼓動不涉任何利益的公眾人士參與訴訟，有可能涉及違法「助訟」。

同時，根據《簡易程序定罪條例》第四(17)(ii)條，任何人無合法權限或解釋而在公眾地方為非慈善用途進行籌款活動，可處罰款500元或監禁3個月。

他並認為，是次事件反映出香港無「政黨法」規管政黨及政團行為的問題，令政黨可以肆無忌憚籌款或接受海外政治捐款，且毋須交代來源及去向。

網民質疑呢飯食

Mokwan Chung：會花在聘請專業人士包括律師、會計師，為案件提供協助和分析，搜集資料……成個民主黨同「泛民」大把ED(呢啲)人啦，重(仲)需要特別請?

楊文理：明明販民(「泛民」)已經有齊呢班專業人事點解唔自己義務做嘢?

邱文勁(沙田區議員陳國強助理)：咁又呢左(咗)層樓返黎(嚟)。

Stephen Wong：市民投左(咗)票捐左(咗)錢就係為民主出左(咗)力，有無必要眾籌?唔知嘍。白鴿點用啲錢?唔知嗎。點解係二百萬唔係一百萬或三百萬?我鬼知咩。

Manyu Yip：籌款實名制，咪知白鴿黨有幾多民意law(囉)。銀紙最誠實，冇得呢!

Solomon Wong：收左(咗)錢三個月內好交代結果，唔好好似姓戴(戴耀廷)個(嗰)位，交條數交到無左(咗)影。

Chuck Lai：七百幾萬人嘅城市，有五千幾人咁躉x(捐錢)，比例唔算高。

資料來源：fb留言

整理：香港文匯報記者 陳川

網民鬧爆快必

Ryan Poon：快必，請你站在路中心再講嘢啦！或者去將軍澳環保大道中心講，嗰頭近你呀。

Paddy Lee：叫人衝?點解佢自己唔衝呀?大家睇清楚呢啲畜牲嘅行為啦，一味叫其他人去犯法，自己坐享其成。

Pphilip Wong：通常這些搞事者，不會叫家人(太太，仔女，兄弟姊妹)去搞事的，只會誘惑他人!……牽頭人士，只負責牽頭，後果/結果要參與人士自負!走得甩，你好彩，累積人氣;走唔甩，你擋災，也有同情分加!

Waiyin Luk：反對派真係好事唔做壞事盡做，叫人行車時段亂過馬路，如有(人)被車撞倒，呢個責任及損傷他們會負責嗎?

Nai-leung Chow：違法，教唆人違法，有證有據。拉人呢(啦)!

Mingming Liu：高鐵(「一地兩檢」)你覺得違憲又可以向法院提出司法程序，何必搞亂香港，證明呢班口口聲聲話維護法治是香港核心價值嘅垃圾，最唔尊重法治。

資料來源：fb留言 整理：香港文匯報記者 陳庭佳

鬧市教唆衝紅燈 快必攞人命較飛

網議政事

「慢慢走，勿亂跑，馬路如虎口……」亂過馬路有幾危險，細路仔都識唱嘍，但「人民力量」嘅快必(譚得志)就為咗反對「一地兩檢」，攞市民條命嚟較飛，喺一條熙來攘往嘅馬路旁邊叫路人衝紅燈過馬路，成班小朋友嗰度都唔識收口。唔少網民睇住佢「講就威，做就就」嘅本質，唔滿意佢做戲唔做足全套，無條馬路中心講同一番說話。

死撈借違規抗「一地兩檢」

快必早兩日嘅觀塘裕民坊一個燈位旁邊開街站，條馬路不時有車甚至係巴士高速駛過，亦都有唔少路人等緊

過馬路，但佢一於少理，話「人民力量」要發起「紅公仔過馬路運動」，仲扯埋「一地兩檢」嚟講，「你睇到無車，而快捷同埋方便，你就可以破壞法律嘍，呢個係高鐵(「一地兩檢」)話界我哋知嘅，唔係我教你嘅，呢個係政府教我哋嘅！」

雖然講完呢句佢立即戴返頭盔，話「你知我掉轉緊啲嘢嚟講嘍，自己只係講笑，但當有路人曳曳衝紅燈嘅時候，佢又唔收口嘍：「唔呀，紅燈過馬路，快啲快啲，唔使守交通規則嘍，高鐵(「一地兩檢」)都係咁嘍，唔怕嘍，最緊要方便快捷，可以破壞法律嘍！」

快必仲係條街度大大聲講低自己手機號碼，叫衝紅燈嘅路人如果俾人

告，可以搵佢上庭做證人，又好囂屎咁話自己個facebook直播已經記錄晒佢煽動他人犯法，「警察又可以預約拘捕我嘍！」

網民寸「精人出口」得把口

唔少網民唔抵得快必周街叫人衝紅燈，有啲就覺得佢齋講唔自己一齊做埋，好似「Yiu Fai Wong」就話：「快必，點解你自己嘅紅燈嘅時候唔走嚟走去，咪又用精人出口呢把口。」

「Ryan Poon」就叫佢喺路中心開街站先好講嘢，「或者去將軍澳環保大道中心講，嗰頭近你呀」，唔知係咪因為環保大道通去堆填區呢?

香港文匯報記者 陳庭佳



大大架巴士行過，快必都仲係叫路人衝紅燈。fb片段截圖

《蘋果》砌「生」豬肉 河童咖喱中晒伏

特稿

做政治人物，事實都未搞清楚，就亂將網上訊息廣傳，反映咗呢啲人嘅質素有幾「高」。話說前晚香港電影金像獎頒獎禮，到演員黃秋生講嘢，《蘋果日報》就將一堆佢有講過嘅說話塞落佢把口度，結果好多睇《蘋果》做人嘅台灣報紙中晒招，香港幾個政界人物都中招，包括「香港眾志」嘅河童(黃之鋒)。

腦補嘉賓「感想」 散播仇恨言論

話說黃秋生擔任最佳編劇獎的頒獎嘉賓，《蘋果日報》即時新聞條報道佢說話時，喺中間插咗一段撰稿人自己嘅「感想」，內容係寸身為政協委員嘅龍講過「香港電影也是中國電影」呢一句，話「依(啲)個人今(前)晚出席香港電影金像獎。唔知佢代表緊中國電影，定香港電影?」

呢段說話接住係黃秋生講嘢嘅末段，而接住嗰一句正正係「黃秋生講完後，台下一片靜默」，唔係人都會以為成段都係黃秋生講，好多台灣報章都照抄。香港唔少政治人物，包括河童、「新民主同盟」嘅范國威、工黨嘅何秀蘭，都當呢句話係黃秋生講嘅，猛咁圍爐話黃秋生敢言嘍。

黃秋生嘅政治立場係相信好多人人都知，但有講過就係有講過囉!唔少睇直播網民，都話黃秋生根本無講過呢段嘢。「何明基」就批評：「編輯公器私用，利用傳媒平台，宣揚散播仇恨，最衰香港多隻仔，有市場。」

編輯記錄

黃之鋒 Joshua Wong 17小時前 · 1310
黃秋生：
「例如呢，出年仲有冇香港電影呢?唔，呢個就出人意見，你估唔到0架下，但情理之中，意料之外嘅，就係，喂，我哋年年都有香港電影嘍，好合理呀!係呀呀?」
大家應該記得，早排有個政協，大大聲咁北京話，再冇香港電影，又指香港地連電影市場狹窄，只有一種電影叫「中國電影」，依個人今晚出席香港電影金像獎。唔知佢代表緊中國電影，定香港電影?」
台下一片靜默。

「Yip Wai Tung」也道：「好心啦蘋果，你自己腦補最尾一段，人地(咁)黃秋生無提到成龍嗎，唔好咁誤導嘍，俾你呢到click rate又如何?」
「Truman Chan」話：「呢段話係佢講架(嘍)嗎，只係蘋果記者自己嘅想法，打少d(啲)飛機嘍之鋒!」
「Becky Mok」也揶揄：「連黃之鋒都領獎嘍嗎比(俾)蘋果跌獲(鏟)金(廿)!喂細路，睇live啦!後面嗰句係蘋果自己加上去架(嘍)，唔係黃秋生講!」「Samuel Miu」亦話：「普通網民share比(界)like我唔會怪嘍，但好多係知名人士，立法會議員，上市公司都亂咁嘍，係咪離譜呢?」

咖喱即刪帖 河童急改文

《蘋果》後來先鬼鬼崇崇將呢段撰稿人嘅「感想」放最尾，前面仲加左虛線。何秀蘭就係fb咁啱，但河童知道「領嘢」後，做法一樣咁鬼崇，就係靜

黃之鋒修改了原帖的引號位置就以有人知。圖為原帖，上下兩段都在引號內，證明但以為成段話都係黃秋生講的。fb截圖

范國威 Gary Fan 新增了1張圖片。2018-4-16 黃秋生喇講成篇「中國電影」論 最佳編劇獎的頒獎嘉賓，係黃秋生。
黃秋生：
「各位午夜，好多謝金像獎俾我個機會我企喺度，再同大家見面。」
范國威「領嘢」後即刪帖。fb截圖

雞將原帖中嘅開刪引號改咗位置，只括住前半段，但編輯過嘅帖係有記錄，唔唔到人囉!不過，佢就咁過咖喱飯少少：咖喱飯連帖都刪埋，當冇事發生過，真係新一代從政者嘅「典範」!

當事人批以訛傳訛

黃秋生深夜在fb發聲明，指有人將該段說話強加諸他口中，「講詞已先發給大會準備，大家可以查閱，至於現場亦有錄像，大家也可翻看。及至有人說錄像已被刪改，這是沒有的事，現場幾千人亦可作證。可嘆的是，不足幾小時內，網上傳媒竟然以訛傳訛，自由解讀，甚而加添，互傳一段從不存在的片

【中央社】向來敢言的香港藝人黃秋生，15日晚在香港電影金像獎頒獎典禮上當眾質問影星成龍「不知是代表中國電影還是香港電影?」挑戰3月時成龍說的「只有一種電影，叫『中國電影』」。
成龍早年以港片發跡，目前身兼中國政協委員，3月他在大陸出席全國政協會議時，被問到香港電影發展。當時他說：「只有一種電影，叫『中國電影』，香港電影也是中國電影。」
根據香港蘋果日報，黃秋生15日在上台頒發最佳編劇獎時說，香港電影應該年年都有，摺着在不提及成龍名字的情況下回應上述「有價無市」之北京話及香港電影，只有一種電影，叫「中國電影」的言論。
黃秋生說：「此人今晚出席香港電影金像獎，不知他代表著中國電影，還是香港電影?」台下反應則是一片靜默。
有人cap咗台灣報章報道，證明《蘋果》撰稿人確係將佢嘅「個人感受」插落黃秋生度。fb圖片

段，演變成一段活生生的曼德拉效應。」
他強調說：「我雖不才，亦不會在一個高興而又嚴肅的場合對前輩作出如斯侮辱，……雖不殺伯仁，伯仁由我而死，在這裡需向成龍大哥道歉，禮也。」
黃秋生又不點名批評「某網媒」，「用第一身表述，說得好像在現場親眼目睹似的。」他更對某「網網」將他的一番話拉到「港獨」去，「居心惡毒」，「我的政治觀點其實多年來已經講過多次，我並不支持或相信『港獨』，由是推論，從任何角度可知，香港是中國的國土，保衛釣魚台我也去過，這點是不用置疑的。」
香港文匯報記者 陳川

免試招港生 民記倡放寬

內地高校近年質素不斷上升，國際排名亦逐漸靠前，部分甚至超越了香港的高校，例如根據2018年泰晤士高等教育世界大學排名榜，北京大學排第二十七位，清華大學排第三十位。而香港大學只排第四十位，香港科技大學排在第四十四位。急速提升的教育水準，吸引了不少香港學生到內地升學。
為了支持香港的長遠發展，中央政府自2012年開始實行《內地部分高校免試招收香港學生計劃》，容許部分內地高等院校依據香港中學文憑考試成績錄取香港學生，豁免他們參加內地聯招考試或由個別內地院校舉行的任何其他額外考試。
由於計劃深受香港學生的歡迎，中央政府自2012/13學年起不斷擴大計劃的規模，由63所院校增加至近100間，分佈於內地15個省/直轄市及一個自治區。計劃推出以來，至今有接近15,500名香港學生報名，當中超過6,400名獲成功錄取。
然而，內地幅員遼闊，高等院校有上千間，計劃內約100間的院校佔全國高等院校的比例仍然不高。以廣東省為例，參與計劃的高校只有21間，佔全省約150所高等院校的極少比例。故此，目前計劃規模並不足以滿足香港學生對內地優質高校的就讀需求。
增優質高校選項
就此，民建聯在兩會上提出了幾項建議，為進一步令香港學生為將來參與國家發展的機遇作好準備，建議教育部門放寬有關計劃，讓香港學生可以免試就讀內地更多優質的高等院校，為香港學生提供更多選擇。
同時，為進一步增加香港學生到鄰近省份就學的意慾，建議相關部門先行先試，讓香港學生可以優秀的成績，免試就讀廣東省內各主要的優質高等院校，為香港學生提供更多選擇。